

元人文集 下卷

元
代
史料刊
叢編
初編

黃山書社

清容居士集

四部叢刊集部

竈起青煙午潯曾持扇朝寒却衣綿松林
空有界剪伐不知年

土屋層層綠沙坡簇簇黃馬鳴知電急鴈
過識天涼墨菊清秋色金蓮細雨香內園
通閬苑千樹壓羣芳

天闌虛無裏城低納遠山白榆迷鴈塞青
草補龍灣市簇家家近官清日日間重游
深問俗漸恨鬢毛斑

舊歲寒冬惡霏霏土雨迷門荒縣馬革草
淨絕牛蹄列帳烟光慘空營月色低縣官

捐粟帛歲晚得扶携

上國饒為客天涼眼倍青
白魚沙際網黃鼠草間翎
為藥圍紅斗摩姑綴玉釘
漸知塵骨換振佩接青冥

天錫清涼國晴霞綻雪峰
月低疑墮兔雲近得攀龍
寶鑑頒冰撒筠籠賜果封
白頭貂帽客為我話深冬

駝鼓村村應傳更趣進程
草肥涼露白樹薄曉風清
帳殿橫金屋氈房簇錦城
屬車流水度細點侍臣名

伏日瓊林宴名王總內朝帽尖花壓翠衣
角錦團貂炙熟牛酥毛醅深馬乳澆柘枝
旋舞急宛轉稱纖腰

市狹難馳馬泥深易沒車凍蠅爭日聚新
燕掠風斜晚汲喧沙井晨炊斷木槎閭閻
通茗酪俗簡未全奢

長夏崇真館踈簾洒靜便支頤推萬古止
息契重玄月窟窓如雪天瓢酒似泉主人
憐老客下榻不曾懸

再次韻

帝京環陸海平野接冰天龍吐青林火狼
沉紫塞烟風花秋黯淡雲葉雨連綿昔日
君臣意深符卜洛年

寶閣凌空涌金壺暎日黃梵音通朔漠法
曲廣伊涼御榻惟經帙宮爐獨篆香吾皇
清淨德銀管願垂芳

高下雲中樹疎明雪外山坡凹茅結屋嶺
轉水回灣禁路分馳道沙塲當內閑通明
風露冷時許侍清班

晨起義臺立回青望眼米草低鷹則目車

逼馬迴蹄風勁弓弦直泥融柱礎低蚊蠅
深斂跡麈尾不須携

紫極中天正森森接帝青鴈歸傳帛信雉
落舞紅翎寶所金千頃朱門帶萬釘瀛洲
清淺處高坐納空冥

昔年曾扈蹕宿直對鰲峰錦掣蘭若翠波
翻墨沼龍起居青簡注除拜紫泥封共說
先皇日千官總住冬

土驛高低置蒼茫七日程馬通分熠燿牛
酪注深清殘雪明珠闌繁星列火城前山

黃白處草藥不知名

千堞蜂腰凸羣山馬首朝沙場調俊鶻草
窟射豐貂鬧舞花頻簇狂歌酒恣澆今年
春事減土舍雪齊腰

箭落驚遊騎鈴傳督運車土風殊楚越驛
道倣褒斜細雨三更枕清秋八月槎夜聽
繁管急漸習五陵奢

長齋孤館靜捧腹睡便便酒斷眸凝碧塵
深鬢返玄凍蜂粘暖草乳燕啄冰泉過翼
時頻數鄉心日夜懸

李陵臺次韻李彥方應奉

前坡聳頽基云是望鄉臺往事已歷歷亂
石何鬼鬼想此二子別袂結不能開河梁
白日速朔風哀沙堆漠法重失律輕生表
奇才一跌不得返歛歎壯心摧形影胡越
分骨肉參商乖萬事已瓦解誰能寫余哀
昂昂司馬生義色興壯懷子卿固偉節屬
國何低徊褒功實譴淺議刑良刻哉坐今
衛律輩歲望邊城來

次韻李齊卿呈閑閑嗣師

清都逼紫微瑤光流玉壇陰厓太古雪伏
日生午寒澄懷集遐思黑髮竹皮冠玄關
轉輕雷銀潢激層瀾取彼白石詞寄呂朱
絲彈一彈去日短再彈行路難兩曜疾飛
隼歸雲生樹端遠游感夙昔努力慎風餐
西京李齊卿讀所贈吳公詩愛之
遂次其韻

溫溫紫玉姿陽休升觚壇維時夜氣肅璇
璣動芒寒辟公閱多士謂宜錫玄冠環水
會文海俾爾揚清闌東南有高楼繁吹和

急彈我獨念子意希聲世知難遺情寄寥
廓冥鴈渺雲端去住靡所止精思勿忘餐

伏日

伏日陰陰九月天雲邊桂露十分鮮侍臣
已入清涼境不到凌虛未是僊
偷桃曷倩語言尖伏日歸來割肉廉那似
蓬萊風露冷重裘端坐絕趨炎

松林行

陰陰松林八百里昔日相傳為界址玄雲
捲甲天馬來雪兔霜狐先委靡山前犬牙

十六州石郎屈膝輕相投淺沙圓石古轍
迹草青草枯無盡愁 拂天鎮南北萬
井燃松煙侶墨大車 龍角全小車輪
困束矛戟松花落子 抽不如昔日當
道稠採薪之人不辭 出郭十里爭相酬
君不聞雪山之西銅柱南濕同鴨綠成東
漸金山橐駝爭貢寶翦取平林作馳道

採摩姑

官山摩姑天下無迸石齒蠹攢寶珠阿香
執御雲中驅天瓢急注爭葩萼玉京高門

散金鋪刺欲點綴完無膚萬釘寶帶山澤
癯圓如佛螺綴頭顱累如柎黍連二稔羶
根未許相糲糊麩泉石鼎鳴笙竽急投小
烹養甘腴上池三咽生醍醐五芝高著神
農書吾欲比之議匪迂天衣代北嚴貢輸
永言定論兄弟俱

尚尊賜張上卿薛玄卿賦詩次韻

龜眸鶴骨煉純陽言合靈著行有常黼坐
近瞻堯日月屬車遠度漠封疆英雲玉佩
開僊府湛露瓊卮出尚方可恠相如多病

渴顙分金掌接恩光

再次韻

居庸曉次日初陽肅肅龍旂出奉常獸殿
頻趨恩有秩鵲爐深祝壽無疆冰壺酒滑
通真一雲閣香清接上方靜夜屢陪談麈
樂燈搖寒燼目搖光

復成二篇

羞逐羣芳度艷陽丰神弘景筆元常氣雄
轉旆攻秦壁色正登壇復魯疆易玩天皇
遊太古書看王會補殊方平生物論深淫

渭寶鑑懸空背透光

孤鳳清聲出嶧陽
冲天采羽越尋常
清心侍帝真
醫國束髮從師屢
出疆明月乘鸞通
碧落空江瘞鶴憶
朱方詩囊取次傾
珠琲一一清圓敵
夜光

西京任庭瑞樂善齋

大鈞妙無心
變化各有職
元陽執樞紐
羣動遂生息
達人洞顯幽
語默絕窺測
尸居碧窓曉
觀萬養真寂
春葩陽林秀
衆采紛蕤蕤
上有黃鸝鳴
下有游鹿跡
嗒然遺世